

Hasteko, irekiera eta festa

Pedro Miguel Etxenike fisikari nafarrak ireki du sagardo denboraldia ■ Ekitaldi ofizialaz gain, jai erraldoia izango da asteburuan Astigarragan

Sagardotegi denboraldiaren irekiera ofiziala aste honetan egin da. Aurten Pedro Miguel Etxenike fisikari eta zientzilaria nafarrari egokitu zaio urteko lehen txotxa edatea. Udan eta udazkenean sagardo egarriz izan da hainbat euskal herritar. Hemendik aurrera, ordea, urteko sasorik ederrenean izango dira.

Sagardoaren inguruan mundu berezi bat sortu da. Astigarraga da mundu hori beste era batean bizi duen herritako bat.

Baina denboraldiaren irekiera ofizialaz gain, jaialdi erraldoia ere antolatu dute Astigarragan: Txoxberri Festa. J. Barandiaran plazan karpa erraldoia jarri dute, eta bertan kontzertuak, dantzaldiak eta bazkariak egiteko aukera dago; dena sagardoz bustita, jakina.

Atzo hasi zen Txoxberri Festa. Arratsaldeko 20:00etan ireki zuten karpa, eta alkateak bandoa irakurri zuen sagardo berriari ongi etorria egiteko. Horrelakotan ohitura den legez, herri bazkaria egin zuten ondoren. Gauean, berriz, Upeletan *erronka* ikuskizuna izan zen.

Goizean goiz — 20:00etan — mendi irteera egingo dute gaur sagardotegiz sagardotegi gosea eta egarria egiteko. Izan ere, arratsaldeko 14:00etan herri bazkaria izango dute. Bazkaldu aurretik, mahaingurua izango da sagardoaren inguruko egoera nola dagoen jakiteko. Herri afaria ere izango da 20:30etan. Aurretik Astigarragako eta Hernaniko abesbatzek kantaldia eskainiko dute. Ondoren, Imuntzo eta Beloki trikitala-

riekin dantza egiteko parada izango da.

Bihar bukatuko da Txoxberri Festa. Makailau lehiaketa egingo da eguerdian. Arratsalden herri kirolak eta zaldi lasterketak izango dira, eta ondoren dantzaldia Bigiri taldearekin.

Egitaraua

Gaur

08:00 Mendi irteera, sagardotegiz sagardotegi.

11:00 Argazki eta artisaularien erakusketa. Astigar dantza taldearen emanaldia.

12:00 Mahaingurua.

13:00 Astigar dantza taldearen emanaldia.

14:00 Herri bazkaria.

16:00 Haur jolasak, Xagu Xar taldearen eskutik.

18:00 Astigarraga eta hernaniko abesbatzen emanaldia.

19:00 Herriko trikitalarien kalejira.

20:30 Herri afaria.

23:00 Dantzaldia Imuntzo eta Belokirekin.

Bihar

10:00 Diana, herriko txistulariekin.

11:00 Astigarragako abere eta barazkien feria.

12:00 Makailo-tortila lehiaketa.

17:00 Herri kirolak eta zaldi lasterketa.

18:30 Dantzaldia, Bigiri trikitaldearekin.



... Sagardotegien denboraldia hasi da. Jendez lepo izango dira aurrerantzean.

ARTXIBOKOA



EIZMIENDI

Tolare Sagardotegia



Osinaga auzoa
 ☎ 943 55 64 05
 HERNANI